



Government Gazette Staatskoerant

REPUBLIC OF SOUTH AFRICA
REPUBLIEK VAN SUID-AFRIKA

Vol. 567

Pretoria, 6 September 2012

No. 35656

N.B. The Government Printing Works will not be held responsible for the quality of "Hard Copies" or "Electronic Files" submitted for publication purposes



AIDS HELPLINE: 0800-0123-22 Prevention is the cure

IMPORTANT NOTICE

The Government Printing Works will not be held responsible for faxed documents not received due to errors on the fax machine or faxes received which are unclear or incomplete. Please be advised that an "OK" slip, received from a fax machine, will not be accepted as proof that documents were received by the GPW for printing. If documents are faxed to the GPW it will be the sender's responsibility to phone and confirm that the documents were received in good order.

Furthermore the Government Printing Works will also not be held responsible for cancellations and amendments which have not been done on original documents received from clients.

CONTENTS • INHOUD*No.**Page
No. Gazette
 No.***GENERAL NOTICE****Health, Department of***General Notice*

706 National Health Amendment Bill, 2011: Publication of the Setswana text of the National Health Amendment Bill, 2011 3 35656

GENERAL NOTICE

NOTICE 706 OF 2012

DEPARTMENT OF HEALTH

PUBLICATION OF THE SETSWANA TEXT OF THE NATIONAL HEALTH AMENDMENT BILL, 2011

The English text of the National Health Amendment Bill, 2011 ("the Bill") was published on 08 November 2011 in Government Notice No. R. 937 ("the Notice"), in Government Gazette No. 34739 providing the Explanatory summary of the Bill in accordance with Rule 241(1)(c) of the Rules of the National Assembly, as well as Rule 189(1)(b) of the Rules of the National Council of Provinces. The Notice also stated the Minister of Health's intention to introduce the Bill in the National Assembly.

Attached hereto is the Setwana text of the Bill that was published as aforesaid.

Copies of the Bill can be obtained from

1. Government Printers- Pretoria
2. Dr Carol Marshall
National Department of Health
Office of Standard Compliance
25th Floor (S) Civitas Building
Corner Andries and Struben Streets
Pretoria
Tel: (012) 395 8236
3. Mr J Kgatla
Parliamentary Officer
Department of Health
4th Floor
120 Plein Street
Cape Town
Tel: (021) 466 7264

REPABOLIKI YA AFORIKABORWA

**MOLAOTLHOMO WA BOSETŠHABA WA BOITEKANELO O O
TLHABOLOTZWENG**

*(Jaaka e itsisitswe mo Kokoano Bosetšhaba (karolo 76 e e tshitshintsweng); tlhaloso
ya khutshwafatso ya Molaotlhomo e e phasaladitsweng mo Gaseteng ya Puso No.
xxx ya 2011) (tokomane ya Seisemane ke tokomane ya semmuso ya Molaotlhomo)*

(TONA YA BOITEKANELO)

[B — 2011]

040911nb

MOLAOTLHOMO

Go tihabolola Molao wa Bosetšhaba wa Boitekanelo wa 2003, go tlamela tlhomo ya Ofisi ya go Ikamaganya le Dikaelo tsa Boitekanelo le, ka maikemisetso ao, go tlosa dilo tse di sa tiholeng di dirisiwa le go tihalosa mareo; go tlosa, boeletsa le go tsenya ditlamelo tse dingwe; le go tlamela ka dilo tse di tshwaraganeng le tsona.

E TLA LAOLWA ke Palamente ya Rephaboliki ya Aforikaborwa, ka tsela e e latelang:—

Tihabololo ya karolo 1 ya Molao wa 61 wa 2003

1. Karolo 1 ya Molao wa Bosetšhaba wa Boitekanelo, wa 2003 (o o fa morago o tla kaiwa e le “Molao o mogolo”), o tihabolotswe—
 - (a) ka go tsenya morago tihaloso ya “setefikeiti sa tlhoko” sa tihaloso e e latelang:

“Mokhuduthamaga’ e kaya motho yo o thapilweng jaaka Mokhuduthamaga go ya ka karolo 79A (1)”;
 - (b) ka go nna mo boemong jwa tihaloso ya “motlhankedi wa boitekanelo” ya tihaloso e e latelang:

“motlhankedi wa boitenaelo’ e kaya motho yo o thapilweng jaaka motlhankedi wa boitekanelo go va ka karolo 80 (1)”;
 - (c) ka go tsenya morago tihaloso ya “bookelo” ya tihaloso e e latelang:

" 'motlhatlhobi' e kaya motho mongwe le mongwe yo o thapilweng jaaka motlhatlhobi go ya ka karolo 80 (2);"

(d) ka go tlosa tthaloso ya **"Bokaedi jwa Dikago tsa Boitekanelo"**;

(e) ka go tsenya morago tthaloso ya **"tlwaelo"** ya tthaloso e e latelang:

" 'Mmatlisisi' e kaya motho yo o thapilweng jaaka Mmatlisisi go ya ka karolo 81 (1);"

(f) ka go tsenya morago tthaloso ya **"tlwaelo"** ya tthaloso e e latelang:

" 'Ofisi' e kaya Ofisi ya go Ikamaganya le Dikaelo tsa Boitekanelo e e tlhomilweng ke karolo 77 (1);" le

(g) ka go tlosa tthaloso ya **"Ofisi ya Dikaelo tsa go Ikamaganya"**.

Tlhabololo ya karolo 36 ya Molao wa 61 wa 2003

2. Karolo 36 ya Molao o mogolo o tlhabololwa ka phetogo mo karolwana (6) mo tema (a) ya tema e e latelang:

"(a) ka **[katlanegiso ya]** tshedimosetso e e amogetsweng go tswa kwa Ofising [ya go Ikamaganya le Dikaelo] go ya ka karolo [79(7)(b)] 82A (5);"

Tlhabololo ya karolo 47 ya Molao wa 61 wa 2003

3. Karolo 47 ya Molao o mogolo e tlhabolotswe ka phetogo ya karolwana (3) ya karolwana e e latelang:

"(3) Ofisi **[ya go Ikamaganya le Dikaelo le Botlhokomedi jwa Ditheo tsa Boitekanelo]** e tshwanetse go lebelela le go diragatsa go

ikagamaganya le ditlhokego tsa boleng le dikaelo tse di boletsweng mo karolwana (1).”

Phetogo ya Kgaolo 10 ya Molao wa 61 wa 2003

4. Kgaolo e e latelang e fetolwa ke Kgaolo 10 ya Molao o mogolo:

"KGAOLO 10

OFISI YA GO IKAMAGANYA YA DIKAELO TSA BOITEKANELO,
DITLHATLHOBO LE DIPATLISISO TSA TIKOLOGO, BATLHANKEDI BA
BOITEKANELO LE BATLHATLHOBI, TSAMAIISO YA DINGONGOREGO
LE BOIKUELO

Tlhomo ya Ofisi ya Ditheo tsa Boitekanelo

77. (1) Ofisi ya go Ikamaganya le Dikaelo tsa Boitekanelo e tihomiwa jaaka mothomolaong.

(2) Ofisi e bona matlole kwa—

(a) Madi a a abilweng ke Palamente: le

(b) dituelo tse di amogetsweng mo ditirelo tse di rebotsweng.

(3) Ofisi e ikarabela mo Molaong wa Tsamaiso ya Ditšhelete tsa Puso, wa 1999 (Molao No. 1 wa 1999).

Dilo tsa Ofisi

78. Dilo tsa Ofisi ke tsa go sireletsa le go rotloetsa boitekanelo le pabalesego ya badirisi ba ditirelo tsa boitekanelo ka—

- (a) go lebelela go ikamaganya ga ditheo tsa boitekanelo ka ditlwaelo le dikaelo tse di beilweng ke Tona go ya ka thulaganyo ya bosetšhaba va boitekanelo: le
- (b) go netefatsa tlotlo, patlisiso le phitiso ya dingongorego tse di amanang le go se ikamaganye ka ditlwaelo le dikaelo tse di beilweng ka mokgwa wa tsamaiso o o siameng. amogelesegileng e bile o le bonako.

Ditiro tsa Ofisi

79. (1) Ofisi e tshwanetse—

- (a) go gakolola Tona ka ga dilo tse di amanang le tlhomamiso ya ditlwaelo le dikaelo tse di tla bewang tsa thulaganyo ya boitekanelo le go sekaseka ditlwaelo tseo le dikaelo;
- (b) tlhatlhoba le go kana ditheo tsa boitekanelo gore di a ikamaganya kgotsa ga di ikamaganye le ditlwaelo le dikaelo tse di beilweng kaotsa, fa go leng maleba e bile go tlhokega, busetsa morago setifikeiti seo;
- (c) batlisisa dingongorego tse di amanang le thulaganyo va boitekanelo;
- (d) lebelela dibontshi tsa kotsi jaaka thulaganyo ya pele ya temoso e e amanang le ditlolomolao tse dikgolo tsa ditlwaelo le dikaelo le go bega ditlolomolao dingwe le dingwe go Tona kwa ntle le go diega;

- (e) supa mafelo le go dira dikatlanegiso tsa go tsena gare ga lefapha la boitekanelo la bosetšhaba kgotsa la porofense kgotsa lefapha la boitekanelo la mmasepala. fa go tlokegang teng, go netefatsa go ikamaganya le ditlwaelo le dikaelo tse di beilweng;
- (f) atlanegisa netefaletso ya boleng le dithulaganyo tsa tsamaiso mo thulaganyong ya bosetšhaba ya boitekanelo gore Tona a e rebole;
- (g) tshola direkoto tsa ditiro tsotlhe; le
- (h) gakolola Tona ka ga sengwe le sengwe se se kaetsweng go yona ke Tona.
- (2) Ofisi e ka—
- (a) Neelana ka dikaedi tse di tla thusang ditheo tsa boitekanelo mo tirisong ya ditlwaelo le dikaelo tse di beilweng;
- (b) phasalatsa tshedimose tso nngwe le nngwe e e amanang le ditlwaelo le dikaelo tse di beilweng ka bobegakgang le, fa go leng maleba teng, go ditšhaba tse di totobetseng;
- (c) kgobokanya kgotsa kopa tshedimose tso nngwe le nngwe e e amanang le ditlwaelo le dikaelo tse di beilweng go tswa mo ditheong tsa boitekanelo le badirisi;
- (d) gokagana le bothati bongwe le bongwe jwa taolo gape e ka, kwa ntle le go lekanvetsa boakaretso jwa thata e, batla tshedimose tso e e tlokegang go tswa mo bothating joo ka ga-
- (i) dilo tsa kgatlhego e e tshwanang; kgotsa
- (ii) ngongorego e e totobetseng kgotsa patlisiso; le
- (e) buisana ka ditumelano tsa tshwaraganelo le bothati bongwe le bongwe jwa taolo go-

(i) gokaganya le go dira kotiwano mo tirong ya taolo mo ditlwaelong le dikaelong; le

(ii) netefatsa tlhomamo ya tiriso ya ditheo ya Molao o.

(3) Tona a ka baya ditlwaelo le dikaelo tse di farologaneng mo mefuteng e e farologaneng ya ditheo tsa boitekanelo.

GoThapa Mokhuduthamaga

79A. (1) Tona o tshwanetse. go ya ka melao e e busang tirelo puso, go thapa moagi wa Aforikaborwa yo o nang le dikwalo tse di maleba e bile a siame gape a lolame go nna Mokhuduthamaga wa Ofisi.

(2) Mokhuduthamaga o nna mo ofising paka ya dingwaga di le tlhano mme a ka thapiwa gape paka e le nngwe va tlaleletso va dingwaga di le tlhano.

(3) (a) Go thapa motho jaaka Mokhuduthamaga o tshwanetse go tlatsa Tumelano ya tiro e e kwadilweng e e tsenwang gareng ga motho yoo le Tona.

(b) Tona le Mokhuduthamaga ba ka. ka go kwaia le ka tumelano. tlhabolola tumelano ya tiro.

(4) Tona a ka tlosa Mokhuduthamaga mo Ofising ka mabaka a a latelang—

(a) matsholo a a sa siamang a a tseneletseng;

(b) bolwetsi; kgotsa

(c) go se kgone go dira ditiro tsa Ofisi eo ka nonofo.

(5) Fa Mokhuduthamaga a sa kgone go dira ditiro tsa Ofisi, kgotsa fa go na le phatlalero mo ofising ya Mokhuduthamaga. Tona a ka tlhophisa modiri yo mongwe go nna Mokhuduthamaga wa nakwana.

(6) Ga go motho yo o tla tlhophiwang jaaka Mokhuduthamaga wa nakwana lobaka lo lo fetang malatsi a le 90 ka nako.

(7) Mokhuduthamaga o na le tshwanelo ya phenšene le ditshiamelo tsa tholotiro tse di badiwang go tshwana le tseo tsa tlhogo ya lefapha mo tirelopusong.

Ditiro tsa Mokhuduthamaga

79B. (1) Mokhuduthamaga-

(a) ke tlhogo gape ke Motlhankedi yo o ikarabelang mo Ofising;

(b) O rwele maikarabelo a tiriso e e lolameng e bile e na le maikatlapelo ya Molao wa Tsamaiso ya Ditšhelete tsa Puso. wa 1999. (Molao No. 1 wa 1999); gape

(c) o tshwanetse go thapa batho ba ba nang le dikwalo tse di maleba jaaka badiri ba Ofisi go ya ka popego ya thulaganyo e e rebotsweng ke Tona.

(2) Jaaka tlhogo ya Ofisi, Mokhuduthamaga o rwele maikarabelo a—

(a) tlhamo le tlhabololo ya tsamaiso e e kgonang;

(b) thulaganyo le taolo ya badiri;

(c) tshegetso ya maitsholo; le

(d) thulaganyo e e nonofileng le tiriso ya badiri go fitlhelela botlalogolo jwa dipholo tsa tiro.

(3) Mokhuduthamaga a ka tsena mo dikonterakeng le motho mongwe le mongwe kgotsa mokgathiho mongwe le mongwe kgotsa go thapa moitseanape kgotsa dikomiti tsa thekinikale go thusa Ofisi mo tiragatsong ya ditiro tsa yona. go akaretsa go dira ditlhatlhobo.

Go neelana ka dithata le go neelana ka ditiro ke Mokhuduthamaga

79C. (1) Mokhuduthamaga a ka-

(a) naya modiri wa Ofisi nngwe le nngwe ya dithata tsa gagwe go ya ka Molao o; kgotsa

(b) naya modiri wa Ofisi nngwe le nngwe ya ditiro tsa gagwe go ya ka Molao o.

(2) Go neelana ka dithata go ya ka karolwana (1)-

(a) e tshwanetse go kwalwa;

(b) e ka nna go ya ka dipeelo le mabaka ao a Mokhuduthamaga a ka a tlhomamisang kgotsa a ka a laelang;

(c) a ka ka nako nngwe le nngwe tihabololwa kgotsa tloswa ke Mokhuduthamaga; gape

(d) ga e amoge Mokhuduthamaga maikarabelo a a amanang le tiragatso va thata.

Go rwala maikarabelo le go bega ga Mokhuduthamaga

79D. (1) Mokhuduthamaga o tshwanetse, go ya ka Molao wa Tsamaiso ya Ditšhelete tsa puso, wa 1999 (Molao No.1 wa 1999)-

(a) dira gore go tsholwe direkoto tse di tlokegang tsa go ikarabela le tse dingwe;

(b) rulaganya le go neela Tona pegelo ya ngwaga go rebolwa ke Tona mo dikgweding di le tlhano morago ga bokhutlo jwa ngwaga wa ditšhelete.

(2) Pegelo ya ngwaga e e kailweng mo karolwana (10) e tshwanetse go akaretsa-

(a) dipolelo tsa ngwaga tsa ditšhelete tse di runilweng ke Moruni-

Kakaretso;

(b) pegelo ya Moruni-Kakaretso; le

(c) pegelo e e feletseng ya ditiro tsa Ofisi tse di dirilweng mo ngwadeng tse thuno e amanang le tsona.

(3) Tona o tshwanetse go nava Palamente khopi ya pegelo ya ngwaga, dipolelo tsa ditšhelete le pegelo ya thuno mo dipolelong tseo mo kgweding e le nngwe morago ga go e amogela fa Palamente e kokoane kgotsa, fa Palamente e sa kokoana, mo kgweding e le nngwe morago ga tshimololo ya kokoano ya yona ya netefaletso.

(4) Mokhuduthamaga o tshwanetse, fa fela pegelo ya ngwaga, dipolelo tsa ditšhelete le pegelo ya thuno di beilwe kwa Palamenteng, go phasalatsa pegelo ya ngwaga, dipolelo tsa ditšhelete le pegelo ya thuno ka dipolelo tseo mo bobegakgannveng.

(5) Le mororo dikarolwana (1) le (2), Mokhuduthamaga o tshwanetse, fa Tona e kopa-

(a) naya Tona tshedimosetso kgotsa pegelo ya kgetsi nngwe le nngwe, selo kgotsa sengwe se se dirilweng ke Ofisi;

(b) tlamela Tona ka mabaka a tshwetso nngwe le nngwe e e tseilweng ke Mokhuduthamaga, motlhathobi kgotsa modiri mongwe le mongwe wa Ofisi.

Go thapa batlhankedi ba boitekanelo le batlhatlho

80. (1) Tona, tokololo e e maleba ya Lekgotla la Khuduthamaga kgotsa meiyara wa lekgotla la mmasepala le ka thapa motho mongwe le mongwe yo o thapilweng mo lefapheng la bosetšhaba, porofense kgotsa mmasepala, go tswa fela gore o tswa kae, jaaka motlhankedi wa boitekanelo.

(2) Mokhuduthamaga o tshwanetse, go ya ka karolo 79B(1)(c), go thapa motho mongwe le mongwe yo o nang le dikwalo tse di siameng le kitso e e maleba le bokgoni jaaka motlhatlho.

(3) motlhankedi wa boitekanelo yo o thapilweng go ya ka karolo e o tshwanetse go newa setifikeiti se se tshalosang gore o thapilwe jaaka motlhankedi wa boitekanelo go ya ka Molao o.

(4) Fa motlhankedi wa boitekanelo kgotsa motlhatlho a dira tiro nngwe le nngwe go ya ka Molao o, o-

(a) tshwanetse gore a bo a tshwere setifikeiti sa thapo se a se neilweng go ya ka karolwana (3);

(b) tshwanetse go bontsha setifikeiti seo motho mongwe le mongwe yo o amilweng ke tiro ya motlhankedi wa boitekanelo kgotsa motlhatlho go ya ka Molao o; gape

(c) na le dithata tsa motlhankedi wa kagiso, jaaka go tshalositswe mo karolo 1 ya Molao wa Tsamaiso ya Bosenyi, wa 1977 (Molao No. 51 wa 1977), gape a ka diragatsa dithata dingwe le dingwe tse di neilweng motlhankedi wa kagiso ka molao.

Go thapa Motlhomaganya ditaba

81. (1) Tona o tshwanetse go thapa motho yo o nang le dikwalo tse di siameng mme a na le maitemogelo jaaka Motlhomaganya ditaba.

(2) Motlhomaganya ditaba—

(a) o tshola ofisi mo pakeng e e sa ntshwafadiweng va dingwaga di le tlhano: gape

(b) o dira mo Ofising: gape

(c) o thusiwa ke batho ba ba tlhophilweng le go tshegediwa ke Ofisi ka tumelano ya Motlhomaganya ditaba.

(3) Tona, ka tumelano le Tona ya Ditšhelete, o tshwanetse go tlhomamisa tuelo le dipeelo tse dingwe le mabaka a ditirelo tsa Motlhomaganya ditaba.

(4) Motlhomaganya ditaba a ka rola tiro nako nngwe le nngwe ka go neelana ka kitsiso e e kwadilweng go Tona bonnye malatsi a le 90 pele ga letlha le le ikaeletsweng la go tlogela ofisi, kwa ntle fela fa Tona a ka letla lobaka lo lo khutshwane.

(5) Tona a ka khutlisa tiro ya Motlhomaganya ditaba ka mabaka a maitsholo a a sa siamang, go se na bokgoni kgotsa kgono, morago ga go mo naya tshono e e amogelesegileng ya gore a reetswe le go ya ka peomolao e e dirisiwang.

(6) Tona o tshwanetse, ka nako ya phatlapiro kgotsa fa Motlhomaganya ditaba a sa kgone go diragatsa nngwe va ditiro tsa gaawe, go thapa motho nakwana go ya ka karolwana (1) go dira mo maemong go fitlha go thapiwa motho wa leruri.

- (b) (i) bona afitafiti kgotsa tlhomamiso go tswa go motho mongwe le mongwe;
- (ii) laela motho mongwe le mongwe go tlhagelela fa pele ga gagwe;
- (iii) laela motho mongwe le mongwe go neelana ka bopaki kgotsa go ntsha tokomane nngwe le nngwe e a e tshwereng kgotsa e e mo taolong ya gagwe e e nang le tshosometso mo selong se se tsewang tsia kgotsa tse se batlisisiwang, le
- (iv) botsolotsa motho yoo;
- (c) kopa tlhaloso go tswa mo mothong mongwe le mongwe yo a belaelang go amogelesegile gore o na le tshedimosetso e e nang le tshosometso mo selong se se tsewang tsia kgotsa se se batlisisiwang; le
- (d) batla motho mongwe le mongwe yo o tlhagelelang jaaka paki go neelana ka bopaki ka fa tlase ga kano kgotsa a dirile tlhomamiso.

(4) Taelo e e boletsweng mo karolwana (4)(b) e ka nna ka tsela ya piletsatshekong e e nang le dintlha tsa selo se motho yo o bileditsweng tshekong a batliwang go tlhagelela fa pele ga mmatlisisi le go neelwa motho yo o bileditsweng tshekong ka lekwalo le le kwaditsitsweng le le rometsweng ka poso kgotsa le rometswe ke motho yo o dumeletsweng go dira jalo ke Mmatlisisi.

(5) Fa go tlhagelela go Mmatlisisi gore motho mongwe le mongwe o latofaditswe mo selong se se ntseng se batlisisiwa, Mmatlisisi o tshwanetse go neela motho yoo tshono ya go reetswa malebana le sona ka tsela ya go neelana ka bopaki, mme motho yoo o na le tshwanelo, ka Mmatlisisi, go botsolotsa dipaki tse dingwe, tse di tlhomamisitsweng ke Mmatlisisi, tse di tlhageletseng fa pele ga Mmatlisisi go ya ka karolo e.

Ditiro tsa Mmatlisisi

81A. (1) Mmatlisisi a ka, fa a fetsa go amogela ngongorego e e kwadilweng kgotsa e e builweng e e amanang le ditlwaelo le dikaelo, kgotsa ka itshimololelo ya gagwe, batlisisa le go tsaya tsia go se ikamaganye le ditlwaelo le dikaelo ka mokgwa o o siameng, amogelesegileng e bile o le bonako.

(2) Ngongorego e e kailweng mo karolwana (1) e ka tsenyeletsa tiro kgotsa tlogelo ke motho yo o rweleng maikarabelo a kgotsa yo o thapilweng ke setheo sa boitekanelo kgotsa setheo sengwe le sengwe kgotsa lefelo le le tlamelang ka tirelo ya boitekanelo.

(3) Mo go tseyeng tsia le go direng patlisiso, Mmatlisisi a ka, go ya ka karolwana (8)-

(a) thusiwa ke motho mongwe le mongwe o o boletsweng mo karolo 81

(2)(c):

(b) (i) bona afitafiti kgotsa tlhomamiso go tswa go motho mongwe le mongwe;

(ii) laela motho mongwe le mongwe go tlhagelela fa pele ga gagwe;

(iii) laela motho mongwe le mongwe go neelana ka bopaki kgotsa go ntsha tokomane nngwe le nngwe e a e tshwereng kgotsa e e mo taolong ya gagwe e e nang le tshosometso mo selong se se tsewang tsia kgotsa tse se batlisisiwang, le

(iv) botsolotsa motho voo;

(c) kopa tihaloso go tswa mo mothong mongwe le mongwe yo a belaelang go amogelesegile gore o na le tshedimosetso e e nang le tshosometso mo selong se se tsewang tsia kgotsa se se batlisisiwang: le

(d) batla motho mongwe le mongwe yo o tlhagelelang jaaka paki go neelana ka bopaki ka fa tlase ga kano kgotsa a dirile tlhomamiso.

(4) Taelo e e boletsweng mo karolwana (4)(b) e ka nna ka tsela ya piletsatshekong e e nang le dintlha tsa selo se motho yo o bileditsweng tshekong a batliwang go tlhagelela fa pele ga mmatlisisi le go neelwa motho yo o bileditsweng tshekong ka lekwalo le le kwaditsitsweng le le rometsweng ka poso kgotsa le rometswe ke motho yo o dumeletsweng go dira jalo ke Mmatlisisi.

(5) Fa go tlhagelela go Mmatlisisi gore motho mongwe le mongwe o latofaditswe mo selong se se ntseng se batlisisiwa, Mmatlisisi o tshwanetse go neela motho yoo tshono ya go reetswa malebana le sona ka tsela ya go neelana ka bopaki, mme motho yoo o na le tshwanelo, ka Mmatlisisi, go botsolotsa dipaki tse dingwe, tse di tlhomamisitsweng ke Mmatlisisi, tse di tlhageletseng fa pele ga Mmatlisisi go ya ka karolo e.

(6) Mmatlisisi a ka, fa a tsava tsia kgotsa a batlisisa ngongorego go ya ka karolo e, batla thuso ya kgotsa kaela mongongoregi kwa bothating bongwe le bongwe jo bo tlhomilweng go ya ka peomolao kgotsa setheo sengwe le sengwe se se siameng kgotsa se se maleba go batlisisa dingongorego tse di tshwanang.

(7) Bothati kgotsa setheo, go tswa fela gore ke sefe, se se boletsweng mo karolwana (6) se tshwanetse go tlamela—

(a) Mmatlisisi ka thuso e e tlokegang: le

(b) pegelo go Mmatlisisi ditaba ka tswelelo pele e e dirilweng ya dingongorego tse di rometsweng go sona.

(8) Ga go karabo e e dirang motho molato kgotsa polelo e e dirilweng ke motho mongwe le mongwe go Mmatlisisi vo o diragatsang dithata go va ka Molao o, e tla amogelwang jaaka bopaki kgatlhano le motho yoo mo ditsweletsong tsa bosenyi kgatlhano le motho vo o bileditsweng kwa kgotla tshekelo nngwe le nngwe. kwa ntle fela ga mo ditsweletsong tsa bosenyi tsa maikano a maaka kgotsa fa motho yoo a sekisetswa tlolomolao e e boletseng mo Molaong o, le fa fela fa karabo kgotsa polelo e le maleba go supa tlolomolao e e latofaditsweng.

(9) Morago ga patlisiso nngwe le nngwe, Mmatlisisi o tshwanetse go neela pegelo mmogo le dikatlanegiso tsa gagwe go Mokhuduthamaga go tsaya dikgato tse di maleba.

(10) Mokhuduthamaga a ka, go va ka karolowana (9), kopa tseno gare ya Tona, tokololo ya lekgotla la khuduthamaga e e rweleng maikarabelo a boitekanelo mo porofenseng kgotsa tokololo ya lekgotla la mmasepala e e rweleng maikarabelo a boitekanelo fa ngongorengo e amana le selo se se welang ka fa tlase ga lefapha la bosetšhaba kgotsa porofense eo kgotsa mmasepala, go tla tswa fela gore ke efe.

(11) Fa Mokhuduthamaga a retelelwang ke go dira teng go va ka bopaki le dikatlanegiso tsa Motlhomaganva ditaba, Mmatlisisi a ka kopa tseno gare ya ga Tona.

Boipuso, go se tseye letlhakore le maikarabelo a Mmatlisisi

81B. (1) Tshenyegelo e e tshwaraganeng le thapo le ditiro tsa Mmatlisisi e duelwa ke matlole a a neetsweng ke Palamente ka maikemisetso ao, jaaka karolo ya tekanyetso kabo ya Ofisi.

(2) Fa a dirana le ngongorego nngwe le nngwe go ya ka Molao o. Mmatlisisi, go akaretsa motho mongwe le mongwe yo o neelanang ka thuso le tshegetso go Mmatlisisi—

(a) o a ipusa e bile ga a tseye le tlhakore; gape

(b) o tshwanetse go dira ditiro tsa gagwe ka boikanyego le kwa ntle ga poifo, molemo, go tsaya letlhakore kgotsa go gobelega.

(3) Tona, Lefapha le Ofiisi di tshwanetse go naya Mmatlisisi thuso le tshegetso jaaka go tla tlokega gore Mmatlisisi a dire ditiro tsa gagwe ka nonofo le bokgoni.

(4) Mmatlisisi o tshwanetse, mo kweding e le nngwe morago ga bokhutlo jwa ngwaga wa ditšhelete, go rulaganva pegelo go Tona ka ga merero le ditiro tse ka nako ya ngwaga wa ditšhelete o go buiwang ka ona mme a neele Mokhuduthamaga pegelo eo go e bopaganva mo pegelong e e kailweng mo karolo 79 D(1).

Ditlhatlhobo

82. (1) Motlhankedi wa boitekanelo a ka tsena mo dikagong dingwe le dingwe, go sa akarediwa bonno jwa poraefete, fa motlhatlhabi a ka

tsena mo setheong sengwe le sengwe, ka nako nngwe le nngwe e e amogelesegileng le—

- (a) go tihatlhoba dikago tseo kgotsa setheo sa boitekanelo, go tswa fela gore ke sefe, go netefatsa gore se ikamaganya le Molao o;
- (b) botsa motho mongwe le mongwe yo a dumelang gore a ka bo a na le tshedimosetso e e maleba ya tihatlhobo;
- (c) batla gore motho yo o rweleng maikarabelo a dikago tseo kgotsa setheo sa boitekanelo go ntsha tokomane nngwe le nngwe, go akaretsa rekoto nngwe le nngwe ya boitekanelo e e boletsweng mo karolo 15 go e tihatlhoba kgotsa ka maikemisetso a go bona dikhopi kgotsa dintshwa tsa sona kgotsa go tswa mo go sona, tse motho voo a tlhokang go di tshola go ya ka molao mongwe le mongwe; le
- (d) tsaya disampole kgotsa sere sengwe le sengwe kgotsa ditshwantsho tse di maleba mo tihatlhobong.

(2) Motlhankedi wa boitekanelo a ka tsamaya le moranodi le motho mongwe le mongwe yo a tlhokang go mo thusa fa a dira tihatlhobo.

(3) Motlhankedi wa boitekanelo kgotsa motlhatlhabi a ka ntsha kitsiso ya go ikamaganya go motho yo o rweleng maikarabelo a dikago kgotsa setheo sa boitekanelo, go tswa fela gore ke sefe, fa tlwaelo nngwe le nngwe le kaelo kgotsa tlamelo ya Molao o go sa ikamaganngwa le yona.

(4) Kitsiso ya go ikamaganya e tia nna e dira go fitlha go ikamaganngwa le ditlanelo tse di maleba tsa Molao le go fitlha motlhankedi wa boitekanelo kgotsa motlhatlhabi a ntsha setifikeiti sa go ikamaganva go va ka kitsiso eo.

(5) Motlhankedi wa boitekanelo kgotsa motlhatlhabi yo o tlosang ntlhana nngwe le nngwe kwa ntle ga eo e e boletsweng mo karolwana

(1)(d) o tshwanetse go—

(a) neelana ka rasiti ya yona go motho yo o rweleng maikarabelo a dikago tseo kgotsa setheo sa boitekanelo, go tswa fela gore ke sefe. le

(b) go ya ka Molao wa Tsamaiso ya Bosenyi wa 1977 (Molao No. 51 wa 1977), go e busa ka bonako jo bo kgonegang morago ga go fitlhelela maikemisetso a e tlositsweng ka ona.

(6) Ditlamelo tsa karolo 86A di dira ka diphetogo tse di tlokegang tse di tlhokwang ke bokao iwa ditlhatlhobo tse di dirilweng go va ka karolo e.

Go se ikamaganye le ditlwaelo le dikaelo tse di beilweng

82A. (1) Motlhatlhabi a ka ntsha kitsiso ya go se ikamaganye go motho yo o rweleng maikarabelo a setheo sengwe le sengwe sa boitekanelo fa setheo seo se sa ikamaganye le tlwaelo nngwe le nngwe le kaelo e e beilweng.

(2) Kitsiso e e boletsweng mo karolwana (1) e tshwanetse go tlhagisa—

- (a) setheo sa boitekanelo se kitsiso e dirang kwa go sona;
- (b) tlwaelo nngwe le nngwe le kaelo tse di beilweng tse go sa ikamaganngwang le tsona;
- (c) dintlha tsa mofuta wa bogolo jwa go se ikamaganye;
- (d) dikgato dingwe le dingwe tse di tlhokegang go tsewa le lobaka le dikgato tse di tshwanetseng go tsewa ka lona: le
- (e) dikotlhao tse di tla diragadiwang fa go ntse go tswelwa go sa ikamaganngwe.

(3) Kitsiso ya go sa ikamaganye go ya ka karolo e e tla nna e dira go fitlha Ofisi, go va ka tshedimosetso e go neelwaneng ka yona ke motlhatlhabi e neelana ka setifikeiti sa go ikamaganva kgotsa go fitlha e ikuelwa kgatlhano le go beelwa kwa thoko ke lekgotla le le thapilweng go ya ka karolo 88A(2)(a).

(4) Fa motho vo o rweleng maikarabelo a setheo sa boitekanelo kgotsa boitekanelo vo a neilweng kitsiso ya go sa ikamaganve a retelelwa ke go ikamaganva le kitsiso, Ofisi e ka—

(a) go ya ka go se ikamaganye, naya motho yoo kgotsa setheo seo sa boitekanelo tuediso e e sa feteng dimilione di le R10 tsa diranta; kgotsa

(b) isa kgang kwa Bothating jwa Bosetšhaba jwa Bosekisi go sekisiwa.

(5) Mokhuduthamaga o tshwanetse go itsise Mokaedi-

Kakaretso ka go se ikamaganye gongwe le gongwe ka maikemisetso a karolo 36 (60(a)).

Dipatlisiso tsa boitekanelo jwa tikologo

83. (1) Fa motlhankedi wa boitekanelo a na le tumelo e e amogelesegileng ya gore maemo mangwe le mangwe a teng a a—

(a) tlholang kgatakako ya tshwanelo e e mo karolo 24 (a) ya Molaotheo;

(b) a tlhola kgotlelo e e kotsi mo boitekanelong;

(c) a ka tlhola matsapa a boitekanelo; kgotsa

(d) a tlhola matsapa a boitekanelo, motlhankedi wa boitekanelo o tla

batlisisa maemo ao.

(2) Fa patlisiso e senola gore maemo a a boletsweng mo karolwana (1) a teng, motlhankedi wa boitekanelo o tshwanetse go leka go tlhomamisa boitshupo jwa motho yo o rweleng maikarabelo a maemo ao.

(3) Motlhankedi wa boitekanelo o tshwanetse go neelana ka kitsiso ya go ikamaganya go motho yo o tlhomamisitsweng go rwala maikarabelo a maemo mangwe le mangwe a a boletsweng mo karolwana (1) go tsava kgato e e maleba ya paakanyo go fokotsa, tlosa kgotsa go siamisa maemo ao.

(4) Motho mongwe le mongwe yo o utlwisitsweng botlhoko ke tlhomamiso kgotsa taelo go ya ka karolwana (2) kgotsa (3) a ka, mo lobakeng lwa malatsi a le 14 go tloga ka letlha le a itsileng tlhomamiso kgotsa taelo, go tlhoma boikuelo le motho yo o thapileng motlhankedi wa boitekanelo go ya ka karolo 80(1).

(5) Ke fela motlhankedi wa boitekanelo yo o kwadisitsweng jaaka motlhankedi wa boitekanelo jwa tikologo go ya ka Molao wa Diporofeshene tsa Boitekanelo wa 1974 (Molao No. 56 wa 1974), yo a tla diragatsang dithata dingwe le dingwe tse di boletsweng ka fa tlase ga karolo e.

Go tsena le go phuruphutsa dikago kgotsa setheo sa boitekanelo ka thebolelophuruphutso ke motlhankedi wa boitekanelo kgotsa motlhatlhabi

84. (1) Motlhankedi wa boitekanelo kgotsa motlhatlhabi a ka, fa go tlhokega, tsamaya le motlhankedi wa sepodise mme a ka, ka taelo ya thebolelophuruphutso e e neetsweng go ya ka karolwana (5) le go ya ka dikarolo 85 le 86A, tsena mo dikagong dingwe le dingwe, go akaretsa bonno jwa poraefete, kgotsa setheo sa boitekanelo, go tswa fela gore ke sefe, se se totobaditsweng mo thebolelophuruphutsong, le—

(a) tihatlhoba, tshwantsha, khopa, leka le go tihatlhoba tokamane nngwe le nngwe, selo kgotsa materiale, kgotsa go dira gore o tihatlhabiwe, o tshwantshiwe, khopiwe, lekiwe kgotsa tihatlhabiwe;

(b) gapa tokomane nngwe le nngwe, rekoto, selo kgotsa materiale fa a na le lebaka la go belaela gore o ka bo o dirisitswe jaaka bopaki mo tatofatsong ya bosenyi: le

(c) tlhatlhoba tiro nngwe le nngwe, kgato kgotsa tsweletso e e dirilweng mo dikagong kgotsa mo setheong sa boitekanelo.

(2) Motlhankedi wa boitekanelo kgotsa motlhatlhobi yo o tlosang sengwe le sengwe mo dikagong kgotsa mo setheong sa boitekanelo, go tswa fela gore ke sefe, se se phuruphudiwang o tshwanetse go—

(a) neelana ka rasiti ya sona go mong kgotsa motho yo o laolang dikago kgotsa setheo sa boitekanelo: le

(b) kwa ntle ga gore ke ntlhana e e iditsweng go ya ka Molao o, a e buse ka bonako jo bo kgonegang morago ga go fitlhelela maikemisetso a e neng e tlositswe ka ona.

(3) Fa motlhankedi wa boitekanelo kgotsa motlhatlhobi a kopa yo o dirang go ya ka thebolelophuruphotso e e neetsweng go ya ka karolwana (5), monni kgotsa motho mongwe le mongwe yo o teng mo dikagong kgotsa mo setheong sa boitekanelo, go tswa fela gore ke sefe, o tshwanetse go—

(a) dira gore tokomane nngwe le nngwe, rekoto, selo kgotsa materiale o o amanang le patlisiso kgotsa tlhatlhobo jaaka go boletswe mo karolwana (1) le o o tshwerweng kgotsa o o leng ka fa tlase ga taolo ya monni kgotsa motho yo mongwe o nna teng kgotsa o a fitlhelesega kgotsa o rebolelwa motlhankedi wa boitekanelo:

(b) neelana ka tshedimosetso e a nang le yona malebana le selo se se batlisisiwang kgotsa se se tlhatlhobiwang: le

(c) neelana ka thuso eo e e amogelesegileng jaaka motlhankedi wa boitekanelo kgotsa motlhatlhabi a tla e tlhokang go dira ditiro tsa gagwe ka nonofo go ya ka Molao o.

(4) Pele go botsolotswa motho mongwe le mongwe kwa dikagong kgotsa kwa setheo sa boitekanelo se go buiwang ka sona, motlhankedi wa boitekanelo, motlhatlhabi kgotsa motlhankedi wa sepodise o tshwanetse go gakolola motho yoo ka ditshwanelo tsa gagwe go thusiwa ka nako eo ke moatefokate kgotsa mmueledi, le go letlelela motho yoo go dirisa tshwanelo eo.

(5) Thebolelophuruphutso e e boletsweng mo karolwana (1) e ka neelwa ke moatlhodi kgotsa magiseterata—

(a) ka dikago kgotsa setheo sa boitekanelo se kgotsa mo go nang le lebaka la go dumela gore tlolo ya Molao o e dirilwe kgotsa e a diriwa; le

(b) fa go tlhagelela go tswa mo tshedimosetsong e e mo maikanong kgotsa mo tlhomamisong gore go na le bosupi jwa go dumela gore go na le bopaki jo bo teng mo dikagong tseo kgotsa mo setheong seo sa boitekanelo se se tlotseng Molao o.

(6) Thebolelophuruphuso e tla dira dipateletso mo dithateng tsa motlhankedi wa boitekanelo kgotsa motlhatlhabi.

(7) Thebolelophuruphutso e e neetsweng go ya ka karolo

e—

(a) e tla dira go fitlha—

(i) e diragadiwa;

- (ii) e sutlhiwa ke motho yo o e neetseng kgotsa, fa motho yoo a se teng, ke motho mongwe le mongwe yo o nang le dithata tse di tshwanang le tsa gagwe;
- (iii) go fitlha kwa bokhutlong ga kgwedi e le nngwe go tloga ka letsatsi le e neetsweng ka lona; kgotsa
- (iv) maikemisetso a go neelwa ga thebolelophuruphutso a fitlhile kwa bokhutlong, nngwe le nngwe e e diragalang pele; gape
- (b) e tshwanetse go diragadiwa ka letsatsi kwa ntle ga gore motho yo o e neelang thebolelophuruphutso o laelang tiragatso ya yona bosigo.
- (8) Ga go motho yo o nang le tshwanelo ya go duela tatlhegelo nngwe le nngwe kgotsa tshenyego e e tla diragalang mo tirong nngwe le nngwe ya semolao ke motlhankedi wa sepodise, motlhankedi wa boitekanelo kgotsa motlhatlhabi ka fa tlase ga karolo e.

Boitshupo pele ga go tsenwa, le kganelo ya go tsena, ke motlhankedi wa boitekanelo kgotsa motlhatlhabi

- 85.** (1) Motlhankedi wa boitekanelo kgotsa motlhatlhabi yo o boneng thebolelophuruphutso go ya ka karolo 84(5) kgotsa motlhankedi wa sepodise yo o tsamayang le ene o tshwanetse ka bonako pele ga a tsena mo dikagong kgotsa mo setheong seo sa boitekanelo, go tswa fela gore ke sefe—
- (a) go itsise a utlwala gore o dumeletswe go tsena mo dikagong kgotsa mo setheong sa boitekanelo le go lopa go tsena mo dikagong kgotsa mo setheong sa boitekanelo; le

(b) go itsise motho yo o laolang dikago kgotsa setheo sa boitekanelo ka maikemisetso a go tsena, kwa ntle fela ga gore go na le mabaka a a amogelesegileng a go dumela gore kitsiso eo kgotsa temoso eo e ka kgoreletsa maikemisetso a phuruphutso eo.

(2) Motlhankedi wa boitekanelo kgotsa motlhatlhobi, go tswa fela gore ke mang, o tshwanetse go—

(a) neela motho yo o laolang dikago kgotsa setheo sa boitekanelo khopi va thebolelophuruphutso kgotsa, fa motho yoo a se teng, a mametlelele khopi eo mo lefelong le le bonalang mo dikagong: le

(b) ka kopo va motho yo o rweleng maikarabelo a dikago tseo kgotsa setheo sa boitekanelo, a bontsha setifikeiti sa thapo jaaka motlhankedi wa boitekanelo kgotsa motlhatlhobi go motho yoo.

(3) Motlhankedi wa boitekanelo kgotsa motlhatlhobi, go tswa fela gore ke mang, kgotsa motlhankedi wa sepodise yo o boletsweng mo karolwana (1) a ka fenya thibelo ya go tsena le go phuruphutsa ka go dirisa magagapa jaaka go tlhokega, go akaretsa go roba setswalo kgotsa go thuba letlhabaphefo la dikago kgotsa la setheo sa boitekanelo.

(4) pele ga go dirisiwa magagapa, motlhankedi wa boitekanelo kgotsa motlhatlhobi, go tswa fela gore ke mang, kgotsa motlhankedi wa sepodise o tshwanetse go lopa tumelelo a utlwala gape o tshwanetse go itsise maikemisetso a go tsena, kwa ntle fela fa go na le mabaka a a amogelesegileng a go dumela gore go dira jalo go ka kgoreletsa maikemisetso a phuruphutso.

Go tsena le go phuruphutsa dikago kgotsa setheo sa boitekanelo kwa ntle ga thebolelophuruphutso ke motlhankedi wa boitekanelo kgotsa motlhatlhabi

86. Motlhankedi wa boitekanelo kgotsa motlhatlhabi a ka, go ya ka karolo 86A, kwa ntle ga thebolelophuruphutso diragatsa thata nngwe le nngwe e e kailweng mo karolo 84 (1) fa—

- (a) motho yo o nang le bokgoni go dira jalo a dumela go dira tiro eo, kgotsa
- (b) go na le mabaka a a amogelesegileng go dumela gore thebolelophuruphutso e tla neelwa go ya ka karolo 84(5) le gore tiego ya go bona thebolelophuruphutso e tla kgoreletsa maitlhamo a thebolelophuruphutso.

Tshwanelo ya Molaotheo ya bophiri

86A. Go tsena gongwe le gongwe kgotsa go phuruphutsa dikago dingwe le dingwe go ya ka Molao o go tshwanetse go diriwa ka tlotlo e e kgolo ya tshiamo le tolamo e e siameng, go akaretsa—

- (a) tshwanelo ya motho ya, tlotlo le tshireletso ya tlotlomalo;
- (b) tshwanelo ya motho ya kgololesego le pagalesego; le
- (c) tshwanelo ya motho ya bophiri.

Go tlosa **dintlhana tse di gapilweng ke motlhankedi wa boitekanelo**
kgotsa motlhatlhabi

87. Motlhankedi wa boitekanelo kgotsa motlhatlhabi a ka tlosa dintlhana dingwe le dingwe tse di gapilweng go ya ka karolo 84 kgotsa 86 ka mokgwa o o tlametsweng mo Kgaolo 2 ya Tsamiso ya Molao wa Bosenyi wa 1977 (Molao No. 51 wa 1977).

Tsele le tsele tsa ditlamelo tse di amanang le batlhankedi ba boitekanelo. Batlhatlhabi le ditsamaiso tsa go ikamaganya

88. Ka maikemisetso a Molao o, ditlhogo tsa mafapha a bosetšhaba le a diporofense, le tlhogo ya lefapha la boitekanelo la mmasepala di tshwanetse go tswewa e le—

(a) mong le monni wa dikago dingwe le dingwe kgotsa ditheo tsa boitekanelo tse lefapha la bosetšhaba kgotsa la porofense kgotsa tse mmasepala a leng mo go tsona kgotsa a di dirisang: le

(b) mothapi wa batho mo tirelong ya lefapha la bosetšhaba kgotsa la porofense kgotsa mmasepala fa, jaaka mothapi, lefapha la bosetšhaba kgotsa la porofense kgotsa mmasepala—

(i) a dira tiro e e neilweng mothapi ka fa tlase ga Molao o:

(ii) dirisa thata nngwe le nngwe e e neilweng mothapi ka fa tlase ga Molao o.

Boikuelo kgatlhano le ditshwetso tsa Ofisi kgotsa Motlhomaganya ditaba

88A. (1) Motho mongwe le mongwe yo o utlwisitsweng botlhoko ke tshwetso nngwe le nngwe ya Ofisi kgotsa bopaki bongwe le bongwe le katlanegiso ya Motlhomaganya ditaba e e amanang le selo se se laolwang ke Molao o, kgotsa motho yo o mo emetseng, morago ga go itse ka ga tshwetso eo a ka dira boikulelo jo bo kwadilweng go Tona mo malatsing a le 30.

(2) Tona o tshwanetse go, morago ga go amogela boikuelo jo bo kwadilweng jwa mokuedi jo bo boletsweng mo karolwana (1)—

(a) thapa lekgotla le le kgethegileng go ya ka karolwana (3);

(a) neela boikuelo go lekgotla go atihola ka mokgwa o o beilweng.

(3) Lekgotla le le boletsweng mo karolwana (2) le tshwanetse go nna le batho ba ba sa feteng tharo, ba—

(a) a le mongwe e tshwanetseng go nna motho yo e leng moatlhodi wa Kgotlatshekelo Kgolo yo o rotseng tiro kgotsa magiseterata yo o rotseng tiro, yo o tshwanetseng go nna monnasetulo; le

(b) ba le babedi ba e tshwanetseng go nna batho ba ba thapilweng go va ka kitso ya bona ya intaseteri ya tlhokomelo ya boitekanelo.

(4) Lekgotla le le boletsweng mo karolwana (2)—

(a) le ka tiisa, beela kwa thoko kgotsa farologana le tshwetso ya Ofisi kgotsa ya ga motlhomaganya ditaba; gape

(b) le tshwanetse go itsise baamegi ka ga tshwetso va lona.

Ditlolomolao le dikotlhao**89. (1) Motho o molato wa tlolomolao fa a—**

- (a) kgoreletsa kgotsa a itsa motlhankedi wa boitekanelo kgotsa motlhatlhobi yo o dirang tiro kgotsa motho mongwe le mongwe yo o neelanang ka thuso kgotsa tshegetso go motlhankedi wa boitekanelo kgotsa motlhatlhobi ka fa tlase ga Molao o;
- (b) gana go tlamela motlhankedi wa boitekanelo kgotsa motlhatlhobi tshedimose tso eo jaaka go tlhokega jaaka motho yoo a tlhokega go e tlamela ka fa tlase ga Molao o;
- (c) itse gore o neelana ka tshedimose tso e e fosagetseng kgotsa e e tsietsang go motlhankedi wa boitekanelo kgotsa motlhatlhobi;
- (d) thibela go go seng ka fa molaong mong wa dikago dingwe le dingwe kgotsa setheo sa boitekanelo, kgotsa motho yo o direlang mong go tsena mo dikagong kgotsa setheong go ikamaganya le ditlhokego tsa Molao o;
- (e) itira motlhankedi wa boitekanelo kgotsa motlhatlhobi;
- (f) retelelwa ke go ikamaganya le kitsiso e a e neetsweng ke motlhankedi wa boitekanelo kgotsa motlhatlhobi go va ka Molao o;
- (g) itsise tshedimose tso nngwe le nngwe e e bonweng fa go ne go diriwa tiro nngwe le nngwe go ya ka Molao o e e amanang le ditšhelete kgotsa merero ya kwebo va motho mongwe le mongwe go motho yo mongwe, kwa ntle ga gore-
- (i) motho vo mongwe o tlhoka tshedimose tso eo go dira tiro nngwe le nngwe go ya ka Molao o;

(ii) go itsise go laetswe ke kgotlatshekelo ya molao; kgotsa

(iii) go itsise go ikamaganya le ditlamelo tsa molao mongwe le

mongwe: kgotsa

(h) go kgoreletsa, itsa Motlhomaganya ditaa kgotsa motho mongwe yo o neelana ka thuso kgotsa tshegetso go Motlhomaganya ditaba fa a dira kgotsa a diragatsa tiro kgotsa thata ka fa tlase ga Molao o.

(2) Motho mongwe le mongwe yo o bonweng molato wa

tlolomolao go ya ka karolwana (1) o tla lefisiwa kgotsa golegwa lobaka lo lo sa feteng dingwaga di le 10 kgotsa tuediso le go golegwa ka bobedi morago ga go bonwa molato".

Tlhabololo ya karolo 90 ya Molo wa 61 wa 2003

5. Karolo 90 ya Molao o mogolo e tlhabolotswe—

(a) Ka phetogo mo karolwana (1) ka mafoko a a latelang tema (a) ya mafoko a a latelang:

"Tona, morago ga therisano le Lekgotla la Bosetšhaba la Boitekanelo kgotsa Ofisi, go tswa fela gore ke efe, a ka dira melawana malebana-le

(b) ka go fetola tema (b) ya karolwana (1) ka tema e e latelang:

(b) (i) dituelo tse di tla duelwang ditheo tsa puso tsa boitekanelo tsa ditirelo tsa boitekanelo tse di neelwang; kgotsa
(ii) dituelo tse di tla duelwang Ofisi mo ditirelong tse neelwang."

Tlhabololo ya Thulaganyo ya Dikarolo tsa Molao wa 61 wa 2003

6. Thulaganyo ya dikarolo tsa Molao o mogolo di tlhabolotswe—
- (a) ka go fetola setlhogo sa Kgaolo 10 sa setlhogo se se latelang:
- "[BATLHANKEDI BA BOITEKANELO LE DITSWELETSO TSA GO IKAMAGANYA] OFISI YA GO IKAMAGANYA LE DIKAELO TSA BOITEKANELO, DITLHATLHOBO LE DIPATLISISO TSA BOITEKANELO JWA TIKOLOGO, BATLHANKEDI BA BOITEKANELO LE BATLHATLHOBI, DITSWELETSO TSA DINGONGOREGO LE BOIKUELO"**;
- (b) ka go fetola ntlhana ya 77 ya ntlhana e e latelang:
- "Tlhommo ya [Botlhatlhoobi jwa Ditheo tsa Boitekanelo] Ofisi ya go Ikamaganya le Dikaelo tsa Boitekanelo"**;
- (c) ka go fetola ntlhana 78 ya ntlhana e e latelang:
- "[Ofisi ya go Ikamaganya le Dikaelo] Dilo tsa Ofisi"**;
- (d) ka go fetola ntlhana 79 ya ntlhana e e latelang:
- "[Ditlhatlhoobi ka Ofisi ya go Ikamaganya le Dikaelo] Ditiro tsa Ofisi"**;
- (e) ka go tsenya morago ntlhana 79 ya dintlhana tse di latelang:
- "79A. Go thapa Mokhuduthamaga**
- 79B. Ditiro tsa Mokhuduthamaga**
- 79C. Neelano va dithata le go newa ditiro ke Mokhuduthamaga**
- 79D. Maikarabelo a le go bega ga Mokhuduthamaga"**;
- (f) ka go fetola ntlhana 80 ya ntlhana e e latelang:
- "Go thapa batlhankedi ba boitekanelo le batlhatlhoobi"**

(g) ka go fetola ntlhana 81 ya ntlhana e e latelang:

"[Tiro ya batlhankedi ba boitekanelo] Go thapa Motlhomaganya ditaba":

(h) ka go tsenya morago ntlhana 81 ya ntlhana e e latelang:

"81A. Ditiro tsa Motlhomaganya ditaba; le

81B. Boipuso, go se tseye le tlhakore le maikarabelo a

Motlhomaganya ditaba':

(i) Ka go fetola ntlhana 82 ya ntlhana e e latelang:

"[Tlhatlhobo ya ka gale] Ditlhatlhobo":

(j) ka go tsenya morago ntlhana ya 82 ya ntlhana e e latelang:

"82A. Go se ikamaganye le ditlwaelo le dikaelo tse di beilweng":

(k) ka go fetola ntlhana 84 ya ntlhana e e latelang:

**"Go tsena le go phuruphutsa dikago kgotsa setheo sa boitekanelo
ka thebolelophuruphutso ke motlhankedi wa boitekanelo kgotsa
motlhatlhobi":**

(l) Ka go fetola ntlhana 85 ya ntlhana e e latelang:

**"Boitshupo pele ga go tsena; le thibelo kgatlhano le go tsena, ke
motlhankedi wa boitekanelo kgotsa Motlhatlhobi":**

(m) Ka go fetola ntlhana 86 ya ntlhana e e latelang:

**"Go tsena le go phuruphutsa dikago kgotsa setheo sa boitekanelo
kwa ntle ga thebolelophuruphutso ke motlhankedi wa boitekanelo
kgotsa motlhatlhobi":**

(n) ka go tsenya morago ntlhana 86 ya ntlhana e e latelang:

"86A. Tshwanelo ya Molaotheo ya bophiri":

(o) ka go fetola ntlhana 87 ya ntlhana e e latelang:

**"Go tsaya dintlhana tse di gapilweng ke motlhankedi wa
boitekanelo kgotsa motlhatlhobi";**

(p) ka go tsenya morago ntlhana 88 ya ntlhana e e latelang:

"88A. Ditsweletso tsa boikuelo"; le

(q) ka go fetola ntlhana 89 ya ntlhana e e latelang:

"Ditlolomolao le dikotlhao";

Tlhabololo ya melao

7. Go tloga ga go dira ga ditlamelo tse di amanang le Ofisi ya go Ikamaganya le Dikaelo tsa Boitekanelo, Molao wa Tsamaiso ya Ditšhelete tsa Puso wa 1999, (Molao No. 1 wa 1999), o tlhabololwa ka go tsenya Karolo A ya Mametlelelo 3 morago ga tlhagiso ya "Musiamo wa Nelson Mandela, Umtata" ya tlhagiso ya "Ofisi ya go Ikamaganya le Dikaelo tsa Boitekanelo".

Setlhogo se sekhutshwane le tshimogolo

8. Molao o o bidiwa Molao wa Bosetšhaba wa Boitekanelo o o Tlhabolotsweng wa 2011, o o tla dirang ka letlha le le kailweng ke Moporesitente ka kgoeletso mo Gaseteng.

Printed by and obtainable from the Government Printer, Bosman Street, Private Bag X85, Pretoria, 0001
Publications: Tel: (012) 334-4508, 334-4509, 334-4510
Advertisements: Tel: (012) 334-4673, 334-4674, 334-4504
Subscriptions: Tel: (012) 334-4735, 334-4736, 334-4737
Cape Town Branch: Tel: (021) 465-7531

Gedruk deur en verkrygbaar by die Staatsdrukker, Bosmanstraat, Privaatsak X85, Pretoria, 0001
Publikasies: Tel: (012) 334-4508, 334-4509, 334-4510
Advertensies: Tel: (012) 334-4673, 334-4674, 334-4504
Subskripsies: Tel: (012) 334-4735, 334-4736, 334-4737
Kaapstad-tak: Tel: (021) 465-7531